

山東通志

世九之四十終



漢書門			
九〇七四	架	函	號
二二	架	函	號

內閣文庫		
九〇七四	架	冊
二二	架	冊

內閣文庫	
番號	漢 9074
冊數	21 (21)
函號	292 f11

廿一



綴じ部(喉部分)の文字など開きが不鮮明な箇所あり

志卷之三十九

災祥



春秋書災異不書祥瑞志兼之何也蓋春秋示戒也志者紀事也山東古今治亂興亡之迹驗之災祥者代不乏書可弗志乎書曰惟吉凶不僭在人惟天降災祥在德人事之脩天變之應有不可誣焉圖政者觀此或有得云

濟南府

漢高帝三年十一月癸卯晦日食在危二度危齊分也

文帝七年十一月戊戌土水二星合于危

災祥

山東通志卷三十九

天

武帝建元三年春河溢于平原大饑人相食○天
漢二年泰山琅邪賊徐勃剽掠郡縣遣繡衣使者
暴勝之等追捕斬之

昭帝元鳳三年春正月泰山大石起立高丈五尺
大四尺八寸

圍入地深入尺三石為立足處有白鳥數千集其
旁是年僵柳復起生有蟲食柳葉曰公孫病已立
符節令駐弘以為石陰類下民象當有度人
為天子者坐妖言伏誅後宣帝起於民間

宣帝元康三年春神雀集泰山

元帝初元四年濟南東平陵王伯之祖墓門梓桂

卒生枝葉上出屋按伯莽之祖王皇后之曾祖劉
向以為王氏貴盛將代漢之象

成帝河平元年泰山桑谷有戴焚其巢郡人孫通
等聞山中

郡鳥戴雀聲性視見巢焚盡墮地中有三戴戴燒
死樹大四圍巢去地五丈五尺京房易傳曰人生
暴雷為焚其巢其後趙飛焚姊姊
專寵後宮有子者殺之并殺其母

後漢光武建武二年正月甲子朔日食在危八度

○五年二月大司馬吳漢率耿弇擊富平賊徐少
獲寇賊師古于平原大破降之

章帝元和二年二月乙未鳳凰集于肥城二月辛

未幸泰山黃鵠二十經祠壇上東北過于宮屋翺

翔升降

安帝末初四年渤海平原劇賊劉文河周文光等

攻厭次殺縣人青州刺史法雄討破之○元初三

年春正月丁丑東平陵樹連理三月東平陵有瓜

異處共生八瓜同蒂或以為瓜者外延離本而實女子外屬之象是時閭皇后

初立後閭后與外親耿寶等共譖廢太子立濟北王○延光三年二月戊子

五色大鳥集濟南臺九五色大鳥似鳳者多羽蟲之等是時安帝信中常侍樊

豐江京阿母王聖及外屬耿寶等讒言免大尉楊震廢太子為濟陰王不慈之異也○三年

九月辛亥濟南歷城黃龍見

順帝永建四年棗州淫雨傷禾稼

桓帝永興二年十一月泰山琅琊賊公孫舉殺郡

縣長吏未壽二年七月復寇青兗中郎將段熲討

破斬之○延熹二年九月泰山琅琊賊勞丙寇

郡縣御史持節督州郡討之十二月泰山賊叔孫

無忌殺都尉以皇甫規為太守討平之○四年六

月庚子泰山博縣尤來山判解尤來山即徂徠山○八年

渤海妖賊蓋延作亂未幾伏誅○九年四月平原

河水清

獻帝初平二年十一月黃巾賊張角寇泰山太守

應劭擊破之復寇渤海公孫瓚追擊大破之

○國帝禪炎興元年十一月司馬小君聚眾反於

平陵齊州刺史討擒之

魏明帝景初元年正月山荏縣黃龍見

武帝泰始四年七月泰山崩墜三里按京房易傳曰自上

下者為崩泰山之石巔而下厥應聖人受命人君虜是後懷愍二帝俱辱虜庭淪胥於北元帝中興

於南○咸寧三年八月平原泰山郡隕霜害稼五年

二月白麟見平原鬲縣鬲縣即今德平○大康二年二月

隕霜于濟南傷麥五月濟南雨雹傷禾稼六月泰

山大水按泰山水流三百家殺六十餘人時平吳後王濬為元功而詆勅妄加荀賈為無謀

而並蒙重賞收吳姬五千納之後宮○三年閏八月己丑白龍二見

濟南歷城○四年十一月白兔見富平富平即今樂陵

五年七月平原雨雹米霜傷稼

惠帝元康四年五月甘露降樂陵國○永康二年

四月彗見齊分古曰齊有兵喪時齊王問趙兵討趙王倫倫滅罔明年復

成帝咸康八年趙石虎建武八年濟南平

石虎自移於城東按晉史後趙石虎時濟南平城北石虎一夜中移在東南蓋

石溝上有城數十餘隨之動皆成路虎大悅以為已應又有石燃于泰山入日而滅

南北朝宋文帝元嘉十三年七月濟南朝陽王道

獲白兔青州刺史段宏以獻按宋書云白兔王者敬耆老則見○

二十七年六月白雀見濟南郡薛榮以獻○元嘉

二十八年五月司馬順則據梁鄒城號齊王八月

討斬之

孝武帝孝建三年閏二月白兔見平原○大明元

年五月白雀二見渤海○五年五月白雀二見濟南劉道隆以獻十月白雀見泰山○六年八月辛未嘉禾生樂陵刺史劉道隆以聞

順帝昇明二年十一月甘露降長山縣

齊和帝中興八年四月長山縣獲異龜按長山王龜惠獲龜六

目一頭腹下有萬歡字并有卦兆

梁武帝天監十一年二月濟陽野蠶成繭

魏太武帝神廢元年二月白麋見于樂陵因以改

元○太平真君元年四月甘露降于平原郡

孝文帝承明元年八月齊州獻嘉禾○太和六年

八月平原大水蝗害稼十四年五月司馬御惠稱聖王謀破平原郡被獲伏誅

宣武帝景明元年五月齊州山荏縣太陰山崩有

泉湧出殺一百五十九人九月齊州民柳世明聚

衆寇齊兗二州討平之○二年三月齊州隕霜殺

桑七月齊州獻嘉禾八月甘露降于新城縣○四

年十一月齊州東清河郡桃李華○正始二年三

月齊州大雹雨雪四月齊州隕霜六月齊州獻嘉

禾○三年三月齊州獻白雉○延昌二年五月齊

州獻白鹿九月甘露降齊州○三年八月辛巳泰

山崩湧水十七處

孝明帝熙平元年六月齊州蚘蚋生○正光元年

齊州濟南郡靈壽山木連理○孝昌元年魏郡人

房伯和聚眾反會赦散去三月齊州清河人崔畜

殺太守董遵廣川人傅堆執太守劉莽皆反青州

刺史王鑒討平之○二年十一月平原人劉樹劉

蒼生聚眾反州軍大破之樹奔于梁

孝莊帝末安三年十一月齊州人趙洛州據西城

反應爾朱兆刺史王蕭贊棄城走

東魏孝靜帝元象元年山東大水蝦蟆鳴于樹上

○武定六年四月泰山郡甘露降

比齊宣帝天保九年夏四月龍見齊州後堂

齊後主武平四年山東饑是時大興土木官修極

寶衣玉食逆中氣之咎○六年八月山東諸州大水

隋文帝開皇十四年將祀泰山致像于神祠未至

按帝將祀泰山今使者致神象神祠之所未至

火數里野火燄起燒像盡或時帝信讒猜忌滕王

瑣失志而死功臣多被○十九年十二月星隕于

渤海渤海今濱州

煬帝大業六年鄒平民王薄擁眾據長白山標掠

齊濟之郊十二年王世充擊破之○九年正月平

原李德逸濟北韓進各聚衆數萬劫掠山東郡縣
十月呂明星率衆數千圍東郡武賁郎將費青奴
擊斬之十月渤海賊格謙孫宣雅等僭王擁衆十
餘萬山東苦之○十二年山東劇盜魏刀兒自號
歷山飛劫掠燕地武賁郎將王辯擊破之

高宗永徽元年秋齊州大水六年十月齊州黃
河溢○上元二年八月齊州大水○永隆元年九
月濟南大水溺死者甚衆

武后長壽二年五月棗州河溢壞民居二千餘家
玄宗開元十年六月河決棗州○十三年十一月

戊子雄雉馴飛泰山齋宮內封禪所以告成功祀
事無重於此者而野

鳥馴飛不思
禁衛不祥○二十五年五月淄州棗州河清

憲宗元和八年六月丙申富平大風拔木千餘株

文宗開成元年二月丙午有彗星在危長尺餘西

指南斗

宣宗大中八年正月丙戌朔日食在危八度○四

年秋淄州德州大水○五年夏齊德淄州蝗螟害

稼

僖宗廣明元年無棣洪霸郎爲盜齊棗間平盧節
度使安師儒遣其將王敬武擊破之

宋太祖建隆元年齊州大旱生魃大饑十月棣州
河決壞厭次商河二縣居民廬舍○三年春二月
戊午朔厭次縣隕霜殺桑四年八月齊州河決○
五年德州民趙嗣妻一產三男○乾德元年齊州
饑○二年七月泰山大水○三年八月淄州河溢
壞鄒平縣民田○開寶二年淄齊二州大水○六
年六月棣州有火自空墮于北城門樓有物抱東
柱龍形金色足三尺許其氣甚腥旦視之壁上有
煙痕爪跡三十六○七年春齊州野蠶成繭
太宗太平興國七年八月淄州大水孝婦河溢○

端拱元年齊州徐美妻一產三男○淳化元年七

月淄州棣州蝗○二年十一月壬辰填星與熒惑

合年危○至道二年七月歷城長清蝗

真宗咸平三年七月棣州嘉禾合穗○景德四年

九月德州獻嘉禾○大中祥符元年五月王欽若

判兗州上言泰山醴泉出

按乾封縣有民王用田中有童兒培土得青錢

數十爭取之錢墜石罅因發石有湧泉二十四眼

味極甘美又枯石河復有湧泉二十五眼一眼出

層阜之上經宿勢浸盛引數派雙魚躍其中有果

實流出似李差小味甚甘制置使王欽若貯水以

獻六月詔建亭賜額靈液六月王欽若至乾封上

言泰山醴泉出天書見得靈芝三萬八千二百五

十本夫欽若欲成封○五月丁丑泰山王母池變

禪其詐誕類如此

○五月丁丑泰山王母池變

禪其詐誕類如此

紅紫色○二年七月淄州大水○五年河決棣州
聶家口十月濱州河溢于定鎮

仁宗景祐元年淄州蝗○慶曆三年十二月二十

六日德州降紅雪雪盡雨血○五年六月流星過

虛危星有尾跡明燭地是後英宗以濟州防禦使入承大統○至和

二年十二月六塔河決齊棣淄濱諸州民多溺死

○嘉祐三年七月泰山上瑞麥圖凡五本五百一

穗

神宗熙寧九年七月渤海禾異壠同穎○元豐元

年章丘河溢壞官民廬舍○六年五月歷城縣禾

二本合穗

哲宗紹聖三年九月戊戌日犯歲○三年齊州禾

異畝同穎合秀九穗

徽宗宣和元年二月淄州獲黑兔

孝宗隆興元年十二月壬午夜白氣見西南方出

危入昴

金世宗大定二年六月濱棣二州大熟

章宗明昌二年秋山東東路旱大饑

衛紹王大安二年四月山東東路大旱○六月淫

雨大饑斗米至千餘錢

宣宗興定五年正月山東行省蒙古綱奏慶雲見
元世宗中統三年夏五月濱棣二州旱九月濟南
郡大饑○四年八月濱棣二州蝗○至元元年濟
南郡大水○六年正月丙寅濟南鄒平縣進芝二
本○九年九月泰安州淫雨河水溢圯田廬害稼
○十五年夏四月濟南無棣獲白雉以獻○二十
二年秋濟南路大水○二十五年夏四月蒲臺縣
饑○二十六年五月丁丑濟南棣州隕霜殺菽○
二十七年五月棣州厭次濟陽大風雨雹害稼○
二十九年二月壬辰山東廉訪司言棣州境內大
旱六月濟南般陽蝗○三十一年七月棣州陽信
縣雨雹大風拔木發屋

成宗元貞元年六月泰安州奉符等縣大水戊申
濟南路歷城縣大清河溢○大德五年六月般陽
濟南大水十月濟南濱棣泰安等州霖雨害稼○
十年冬十二月山東饑遣尚書武鼎賑之
武宗至大元年濟南般陽泰安大饑四月般陽新
城濟南泰安厭次大風雨雹九月泰安大水○二
年四月泰安德州濟南般陽蝗七月德州霖雨害
稼般陽大水

仁宗皇慶元年濱棣德三州蒲臺陽信三縣旱○
延祐元年三月般陽泰安州霜雪三日○七年四
月乙巳濟南蒙古軍饑六月德棣二州大水
英宗至治元年春般陽饑○三年五月濟南無棣
厭次齊東霖雨害稼

泰定帝泰定元年六月濟南般陽蝗德州淫雨八
月濟南霑化利津霖雨害稼○二年六月德州歷
城章丘淄川蝗○三年夏四月濟南路饑免郡縣
租稅

文宗天曆元年泰安州大水○至順元年泰安
命有司賑之

順帝至正二年五月濟南山崩水湧六月癸丑夜
濟南大水○六年春二月濟南歷城德州泰安奉
符長清般陽大饑山東地震七日乃止○七年三
月山東地震有聲如雷○十年正月棣州隕石一
空中有聲其聲自西而來距州二十里隕于地化
爲石其色黑微有金石星散布其上有司以進遂
藏之司天監○十九年濟南鄒平二縣蝻生○二
十一年八月壬午棣州夜半有赤氣亘天○二十
三年濟南大旱六月庚戌星隕于濟南龍山入地

五尺○二十六年八月棣州大清河決濱棣二州居民漂溺殆盡

國朝 洪武六年秋八月河水暴漲自齊河潰商河武定境南巨浪七十餘里

末樂年蒲臺妖婦唐賽兒率賓鴻等攻安丘樂安指揮衛青破之斬首二千餘級○十五年武定城西南隅井中龍見

景泰元年濟南德平饑○七年青城德平大水

民多避居鄒平山麓當時有詩云甕底惟聞蛙鼓吹庭前常見鯉梭拋

天順元年濟南德平大水饑人相食○八年青城

縣甘露降于學宮

成化六年陽信縣隕石一○七年武定龍戰于野

大饑○九年三月四日濟南長山鄒平臨邑等縣

晝晦○十年濟南大稔斗米七錢○十三年魚臺

大水壞民居○十六年九月鄒平地震○二十三

年三月德平地震○二十一年二月三月泰山屢

震遣官祭之

弘治五年濟南大饑河決黃龍岡○七年濟南大

稔○八年德平城濠水忽溢于野○十七年武定

州自正月不雨至于秋九月

正德元年鄒平王府產芝二本○二年秋八月德平大雨雹○六年流賊劉六等攻掠山東郡縣都督劉暉等捕斬之○七年武定大蝗蔽空六月濟南州縣民言黑青見至冬乃息時老幼皆擊銅器以自衛通宵不寐○十年冬十月德平縣李梅實○十一年秋七月德平不雨○十二年六月德平霖雨害稼○十四年武定大疫○十三年章丘大水

嘉靖二年九月武定大雨雹○三年三月武定大風起沙害麩麥○五年秋七月武定蝗大水害稼○七年夏新城無雲雷震○八年濟南郡縣蝗秋蝻生○十年濟南復蝗

兗州府

周魯隱公五年九月螟○九年春三月癸酉大雨

震電庚辰大雨雪胡安國曰周之三月夏之正月也雷未可以出電未可以見而

六震電此陽失節也雷已出電已見則雪不當復降而大雨雪此陰氣縱也陽失節而陰氣縱公子

暈之譴兆矣鍾巫之難萌矣

桓公元年秋大水○三年冬有年程子曰書有年記異也○

五年秋大雩螽○八年冬十月雨雪○十有三年

夏大水○十有四年春正月無冰穀梁曰時煥也秋八月

壬申御廩災董仲舒以為先是四國伐魯魯君臣內怠政事外侮四鄰非能保守宗廟

終其天年者也劉向以爲御廩案盛之所藏時夫人挾逆不可以奉宗廟之威

莊公六年秋螟○七年夏四月恒星不見夜中星

隕如雨胡安國曰恒星者列星也如雨者言衆也人事感於下則天變動於上前此五國連

衡旅拒王命後此齊桓晉文更霸中國政歸盟主而王室遂虛其爲法度廢絕威信凌遲之象著矣

秋大水無麥苗○十有七年冬多麋○十有八年

秋有蠶山陰陸佃曰蠶陰物也麋亦陰物也是時淑消而陰慝長○二十五年六月辛未朔日有食

矣此惡氣之應○二十五年六月辛未朔日有食

之鼓用牲于社秋大水鼓用牲于社于門○二十

有八年冬大無麥禾○二十有九年秋有蜚

僖公二年冬十月不雨○三年春王正月不雨夏

四月不雨六月雨○十年冬大雨雪○十有二年

秋九月大雩○十有五年秋八月螽九月巳卯物

震夷伯之廟○十有六年春王正月戊申朔隕石

于宋五是月六鷁退飛過宋都○二十年夏五月

乙巳西宮災○二十有一年夏大旱○二十有九

年秋大雨雹○三十有三年冬十有二月隕霜不

殺草李梅實哀公問於仲尼曰春秋記隕霜不殺草何爲記之也曰此言可殺也

文公二年自十有二月不雨至于秋七月○九年

秋九月癸酉地震○十有三年自正月不雨至于

秋七月世室屋壞太世室屋壞金漆木木動也先是冬僖公夢緩於作主六月又吉

禘於太廟而致僖左氏曰登僖於閔上逆祀也
世室屋壞象魯自是而陵夷將墮周公之祀也

宣公六年秋八月螽○七年秋大旱○十年秋大

水○十有五年冬喙生饑○十有六年冬大有年

成公元年二月無水○三年二月甲子新宮災三

日哭○五年秋大水○十有六年春正月雨水冰

何休曰木者少陽幼君大臣之象水者疑陰
兵之類也木者君臣將執於兵之徵

襄公七年秋八月螽○十有六年夏五月甲子地

震○二十二年孔子未生時有麒麟吐玉書於闕

里其文曰水精之子繼衰周而為素主顏氏異之

以繡紱繫麟之角信宿而去冬十月庚子生是夕

有二龍繞室五老降庭五老者五星之精也顏氏

之房聞鈞天之樂空中有聲云天感生聖子故降

以和樂之音○二十有四年秋大水冬大饑○二

十八年春無冰

昭公三年冬大雨雹○四年春正月大雨雹○十

有九年夏巳卯地震○二十有三年秋八月乙未

地震○二十有五年夏有鸚鵡來巢劉歆以為羽
蟲之孽鸚鵡

夷狄穴藏之禽來至中國不穴而巢陽居陰
位臣侵君象或曰此公子宋有國之祥也秋七

月上辛大雪季辛又雩左氏曰秋書
再雩旱甚也

宋公元年冬十月隕霜殺菽穀梁子曰菽舉重也
未可以殺而殺舉重

可殺而不殺舉輕其象則刑罰不中之應夏五月壬辰雉門及兩觀災董仲舒劉向以為此皆奢僭過度者也先是季氏逐昭公昭公死于外定公即位不能誅季氏又用其邪說淫于女樂而退孔子天戒若曰去高顯而奢僭一曰門闕號令所由出也今舍大聖而縱有罪亡以出號令矣京房易傳曰君不思道厥妖火烧宮 ○五年夏季桓子穿井土缶中得蠱若羊

哀公三年夏四月甲午地震五月辛卯桓宮僖宮

災按左傳孔子在陳聞火曰其桓僖乎杜征南注以為桓僖親盡而廟不毀故天示以災公羊傳之說亦然蓋踰禮制而以詣瀆事神則神亦不享其祭故天降之災非曰桓僖有以獲罪於天而火焚其廟也 ○四年夏六月辛丑亳社災師古曰亳社殷廟也 ○十有二年冬十有二月

命諸侯各立亳社以戒王國故魯有之 ○十有二年冬十有二月

李孫問諸仲尼仲尼曰丘聞之火伏而後螽者畢令火猶西流司歷過也 ○十有四年

春西狩獲麟按左傳春秋西狩於大野叔孫氏之車

尼觀之曰麟也胡為乎來哉反袂拭面涕泣沾襟叔孫聞之然後取之子貢曰夫子何泣耳孔子曰麟之至為明王也非其時而見害吾以是傷焉

五色雲覆孟氏居而生孟子孟子生時其母夢神人乘雲自

泰山來將止于嶧母疑視久之忽片雲墜而窈穽間巷皆見有五色雲覆孟氏之居焉

孝惠帝二年春正月癸酉旦有两龍見於蘭陵

延東里温陵井中

武帝元光三年夏河决瓠子

宣帝地節二年夏四月鳳凰集魯大赦 ○四年夏

五月止陽濟陰大雨雹

十月大司馬霍禹宗族謀反霍氏廢

成帝河平四年夏六月山陽火生石中改元為陽

朔○陽朔三年春三月壬戌隕石于東郡八○永

始二年二月山陽郡鐵官奴蘇令等黨與數百人

殺長吏叛太守嚴詎捕斬之

哀帝建平元年濟陽有嘉禾生一莖九穗十二月

甲子光武生於濟陽縣舍其夜赤光滿室

按漢書有武父

鄉左傳桓十三年盟于武父縣北有武父城縣東南有戒城縣都鄉有行宮光武生

○四年

四月山陽湖陵雨血

後一年王莽擅朝貴戚大臣多故死

淮陽王更始元年東平爰魯肥城劉翊起兵

城頭寇掠河濟後降漢拜魯東萊守却濟南守各

令罷兵

更始初東海人刁子都剽掠徐兗更始拜子都徐

州牧

章帝建初元年春三月甲寅東平地地震○二年冬

十有二月戊寅彗星出婁二度

和帝永元二年春正月乙卯金木俱合于奎丙寅

水又在奎辛未水金木在婁○三年夏四月兗州

蝗○八年九月辛丑夜有流星甚大起婁

順帝永建四年兗州淫雨傷稼

桓帝元嘉元年夏四月不雨任城饑民相食冬十有一月五色大鳥見濟陰已氏時以為鳳凰○二年秋八月黃龍見濟陰句陽○永興二年泗水泛漲逆流東海兗州之域○延熹四年五月有星孛于心○九年濟陰東郡濟北河水清

靈帝中平元年夏濟陽濟陰宛句離狐縣界有草生其莖靡纍腫大如手指狀似鳩雀龍蛇鳥獸之形五色各如其狀毛羽頭目足翅皆具近草妖也

國魏明帝景初元年秋九月兗州淫雨水出溺殺人漂失財產特帝崇飾宮室以害農戰

晉武帝咸寧二年孛星見于氏○太康五年夏六月任城魯國池水皆赤如血七月任城雨雪暴水隕霜傷稼○九年冬十有二月戊申青龍黃龍各一見于魯國

惠帝永寧元年魯國雨雹○光熙元年冬十有二

月癸未太白犯填星占曰為內兵有大變是後河

東海王越元康七年五月魯國雨雹○太安元

年七月兗州水時將相力政無尊

懷帝永嘉四年四月兗州地震五月復震時石勒寇汲郡

執太守胡寵遂南

災祥

山東通志卷三十一

大

東晉元帝太興元年蘭陵蝗害稼○三年夏四月
甘露降琅琊費縣

成帝咸康二年夏六月辛未流星大如二斗魁色
青赤光耀地出奎中沒婁北

孝武帝寧康二年太白晝見在氏○太元十五年
秋八月兗州蝗大水

安帝義熙三年春二月癸未土火余水聚于奎婁

南北事宋文帝元嘉二年冬十一月丙辰白鳥見

山陽太守玩寶以聞○十四年夏五月甲午白雀
集費縣負外散騎侍郎顏敬獲以獻○十七年秋

七月壬申甘露降高平金鄉富民村方三十里徐

州刺史趙伯符以聞○二十年夏六月白兔見高

平方與縣

孝武帝大明四年兗州大水○六年秋七月甲申

地震有聲如雷兗州尤甚魯郡山搖者二

齊和帝中興二年春二月白虎見東平壽張安樂

村丁卯騶虞見東平郡壽張蘭陵民濟伯生於六

合山獲金璽

梁武帝太清元年兗州旱疫

孝文帝承明元年夏四月辛酉兗州等處大風雨

電○二年春二月丙子兗州地震秋八月兗州大水蝗害稼○大和四年蘭陵人桓富聚黨殺其令與泰山盜張和顏等寇掠淮陽王尉元等討平之宣武帝景明元年秋七月兗州等處好蚌生大水○四年秋七月大雨雹○正始四年夏四月兗州獻白狐

孝明帝熙平元年夏五月濟州獻白鹿○正光元年夏四月濟州兩獻三足鳥

孝莊帝永安元年滋陽人萬侯醜奴僭號置官至三年雍州刺史爾朱天光擒斬之

東魏靜帝興和元年冬兗州濟陰郡宛曲縣濮水南岸有泉湧出色清味甘病者飲愈○四年夏五月濟州獻蒼烏

北齊武成帝河清元年龍見濟州浴堂中○二年

十有二月兗州大水水陰也象小人之肆時和士開元文選趙彥深等專

文帝十有五年兗州曹州大水民饑帝命蘇威等分道賑給○十有一年曹州等處大水居民多

所沉溺

煬帝大業五年齊魯郡饑○九年濟北人韓進洛孟海公甄寶車各聚衆反後成討平之兗州人徐

圓朗反號魯王歸劉黑闥後為總管任環敗殺之

唐太宗貞觀三年秋鄆州沂州大水○四年秋兗

州蝗

高宗永徽元年春正月濟州河清○五年夏六月

濟州河清六十里○末隆元年濟陰琅邪大水

中宗景龍元年夏五月乙巳曹州大雨雹○三年

春二月辛未曹州大風拔木

玄宗開元十有二年秋八月兗州大水○二十年

兗鄆州大水○天寶四年劉光期為壽張令麥秀

兩岐蝗不入境

德宗貞元十八年烏集滕縣啣柴為城中有白鳥一碧鳥

憲宗元和五年曹濮等州螟蝗害稼○六年春三

月戊戌日晡天忽陰寒有流星大如斛隕于兗

鄆間聲震百里野雉皆鳴所墜之上有赤氣如立

蛇長丈餘至夕乃滅○十一年六月李師道起宮

室于鄆將謀亂既成火○十四年晝有魚長丈餘

墜于鄆州市魚失水而墜于市敗城象也春二月鄆州從事院

前隕血丈餘

穆宗長慶四年鄆曹濮三州水壞州城民居田稼

○五年夏曹鄆濮三州螟蝗害稼

及羊

山東通志卷三十九

三

三

敬宗寶曆元年兗州大水

文宗太和二年兗鄆曹三州大水○四年曹州鄆

州大雨壞城郭廬舍殆盡○開成二年夏六月兗

州蝗○三年夏曹州大水○五年夏兗曹鄆三州

螟蝗害稼

宣宗大中十有二年秋八月丙申兗州鄆州大水

害稼

昭宗景福二年春二月辛巳曹州大雪平地五尺

餘

五代後唐明宗天成三年春正月壬申金火合于

奎

後晉高祖天福六年九月兗濮為水所漂溺兗州

奏河水東流濶七十里

宋太祖建隆三年夏五月鄆州濟州大旱○乾德

五年春三月五星聚奎宋史韓興載傳奎主文章

國太平之符也○開寶元年夏六月龍出單父民家井中

○四年夏六月鄆州河及汶清河皆溢注于東阿

縣

太宗太平興國二年夏六月曹州大風壞濟陰縣

解舍及軍營○四年九月鄆州清汶二水漲壞東

阿縣民田○端拱元年閏五月辛亥丑時有星出
奎如半月北行而沒是月鄆州風雹傷麥○淳化
元年六月單州魚臺縣風雹害稼

真宗咸平元年春正月有星孛于營室詔求直言
呂端言

應當在
齊魯分○三年河決鄆州者三○大中祥符元年

夏五月經度制置使王欽若獲芝於孔林欽若上
言得芝

五株黃紫如雲氣及人戴冠冕之狀是後祭諫復
得芝四本六月瑛丘縣民宋固于堯祠前得芝九

本連理者四是後甘露
醴泉之降不勝其書矣○二年濟淄青三州大水

冬十月兗州霖雨害稼○四年秋八月兗州好坊

生

仁宗寶元二年夏六月曹州鄆州蝗○皇祐五年

七月單州禾異品同穎

英宗治平元年曹濟單三州大水

神宗熙寧元年秋八月鄆州須城東阿地震終日

哲宗紹聖元年秋七月曹州水害稼○三年九月

沂州地震

徽宗大觀元年春三月鄆州芝草生○二年十月

乙巳兗州龔丘縣檜生花如蓮實○宣和三年二

月淮南人宋江或曰鄆
州人寇掠京東知州張叔夜降

之○七年張萬仙寇掠京東諸郡副使李孝昌招

降之

高宗建炎元年劇盜李昱攻剽滕縣

金世宗大定元年五月河決滄沒曹單居民廬舍殆盡○八年六月河決李固渡水潰曹州城分流于單州境

宣宗貞祐四年四月丁酉太白晝見於奎北九十有六日乃伏六月丙申歲星晝見于奎百有一日乃伏○興定元年夏四月戊午單州雨雹傷稼遣官諭農改藉秋田復給其種

元世祖中統三年夏五月東平州旱○二年秋八月丙寅濟州進芝二本○至元十有四年六月濟寧路曹濮州雨水平地丈餘損稼○十九年夏東平東阿陽穀等處大蝗○二十六年夏五月濟寧東平淫雨害稼免其田租

成宗元貞元年夏六月曹州濟陰兗州滋陽大水○大德元年冬十一月辛未曹州進嘉禾一莖九穗○五年夏六月濟寧東平大水○七年夏五月濟寧等處蟲食麥

武宗至大元年春二月辛卯濟寧東平大饑三月癸巳遣山東宣慰使王佐同廉訪使覈實賑濟○

二年春三月己酉濟陰定陶大雨雹○三年夏五月癸巳東平大饑賑米五千餘石○五年秋八月擴廓帖木兒及諸將等以精兵搗東平賊兵遇兩戰皆敗之

仁宗皇慶二年春三月濟寧隕霜殺桑○延祐元年三月東平曹州大雨雪

英宗至治元年夏六月東平曹州大水害稼秋七月濟寧大水○二年冬十二月濟寧蝗

泰定帝泰定元年夏六月東平濟寧蝗曹州淫雨水深丈餘漂沒田廬秋七月曹州河溢

文帝天曆元年春二月定陶饑夏五月沂州饑米二萬一千餘石○至順二年春三月鄆城等縣有蟲夜食桑晝匿土中人莫能捕大爲蚕災○三年夏六月乙丑濟寧大水害稼秋七月滕縣饑糶米二萬餘石賑濟九月沂州濟寧魚臺曹州楚丘大水

順帝元統二年東平濟寧曹州濟陰大水饑夏四月東平路水○五年河決濟陰漂官民廬舍殆盡○至元元年夏四月東平路旱壬子分遣西僧祈雨秋八月東平曹州大水○四年六月東平饑災

免其絲科冬十二月東平東阿陽穀汶上等縣地
震○至正二年夏五月東平東阿雨雹如馬首○
四年夏六月濟寧單州金鄉魚臺定陶楚丘曹州
鉅野鄆城嘉祥汶上任城大水害稼人相食○五
年黃河溢平地水二丈曹州被害○二十有三年
秋七月河決東平壽張郟城漂溺死者甚衆八月
丙辰沂州有赤氣亘天中有白色如蛇形徐徐西
行至夜分乃滅○二十六年夏六月丁卯沂州山
崩秋八月濟寧路黃河水溢漂沒百有餘里○二
十有七年夏六月丁卯沂州東蒼山有巨石如屋
崩墜聲震如雷

國朝

洪武元年河溢曹州徙治安陵鎮○二年河沒
安陵鎮徙治盤石鎮○七年鉅野縣河水溢流高
四丈壞居民廬舍田疇

永樂六年白雀見滋陽縣○十一年五月騶虞見
曹縣安陵都主簿應汝濟獲以獻

宣德七年兗州護衛總旗妻劉氏一產三男

正統十年曹縣饑○十三年沂州雷震城西門○
十四年兗州等處飛蝗蔽天

景泰元年春二月金鄉縣產芝一莖于文昌祠之

東○三年曹縣定陶大饑夏五月壽張河決築堤以護之

天順元年夏平陰縣蝗○二年平陰復蝗○八年秋八月芝產于曹州治東廂

成化六年曹州曹縣定陶縣大旱○九年春三月兗州書晦踰二時乃霽○十有九年兗州黑鼠食苗旬日入水自死夏四月兗州鉅野等處地震有聲如雷

弘治五年春三月河決黃陵岡淹沒民田數千頃○六年濟寧饑○十有二年夏六月夜曲阜縣大雨雷電有火自宣聖廟東北起焚毀殿廡一百二十三間○十三年河南水決李家楊家等口淤塞馬水河河水橫流曹單二州被害○十五年汶上地震有聲如雷○十七年秋九月金鄉地震越十日復震

正德三年單縣河溢害稼漂溺居民廬舍殆盡○六年八月流賊楊虎率衆數千剽掠陽穀壽張等縣○九年春正月定陶雷電大雨雪二月兗州有星如斗自東北徑往西南如彗天鼓響應如雷○十年十一月沂州地震

東昌府

漢文帝十一年十一月河決東郡

武帝元光三年五月河水決濮陽汜郡十六日濮

陽東郡之縣水所汜及凡十六郡發卒十萬救決河起龍淵宮

成帝建始四年河大決於館陶東南流東郡金隄

皆被害先是清河郡都尉馮遂言郡承河上流土壤輕脆易傷頃所以無大害者以屯氏河

通兩川分流也今屯氏河塞靈鳴犢口又益不利獨一川兼受衆河之任雖高增隄防終不能泄可

復浚屯氏河以泄暴水事下丞相御史以為方四度不足可且勿浚至是大雨果決今清河縣西有

畫河故道疑即漢時與屯氏河並流者

更始二年銅馬賊數十萬入清陽博平光武擊之

於鄆追至館陶大破以降

安帝延光四年正月東郡言黃龍二麒麟一見濮

陽

桓帝和平三年九月東郡在平人侯母薛兄弟聚

黨為盜竊印綬自稱將軍後討平之

獻帝初平二年黑山賊于毒白繞眭固等寇掠魏

郡曹操追擊濮陽大破之

晉魏齊王嘉平初東郡有訛言云白馬河出妖馬

夜過官牧邊嗚呼衆馬皆應明日見其迹大如斛

行數里還入河楚王彪本封白馬兖州刺史令狐愚以彪有智勇及聞此言遂與王

凌謀共立之事泄
凌愚被誅彪賜死

懷帝永嘉二年八月乙亥郵城無故自壞七十餘

丈司馬越惡之遷于濮陽越卒以陵
上受禍

南北朝魏孝明帝孝昌三年春二月東郡人趙顯

德反殺太守裴烟號都督魏將元斌之討斬以平之

孝莊帝永安元年光州人劉聚聚眾反于濮陽廣
州刺史都督鄭先護討平之

隋煬帝大業三年武陽郡河清數里鏡澈

唐高祖武德四年貝州人劉黑闥為漳南自稱漢

東王饒州刺史諸葛德威執斬之

高宗永徽二年秋濮州水

玄宗開元十四年濮州大水人死者千餘○二十

五年濮州有馬生駒肉角京房易傳曰天子
親征則馬生角四月

濮州兩鳥兩雀兩鸚鵡同巢

穆宗長慶四年夏四月濮州雨水壞州城民居田

稼殆盡

文宗太和四年夏五月濮州淫雨害稼○開成五

年濮州等處螟蝗六月濮州雨雹如拳殺人馬牛

甚衆

懿宗咸通十二年七月辛巳濮州地震

僖宗乾符元年濮州人王仙芝聚眾數千起于長

垣

五代後晉高祖天福六年河決滑州東汎濮州民

為水所漂溺詔所在發舟救之

後漢高祖乾祐七年濮州蝻生

宋太祖建隆元年臨清縣雨雹傷稼○二年五月

濮州蝗○三年濮州春夏不雨○乾德四年澶州

濮陽縣田麥秀兩岐至四岐各五十本五岐三十

本六岐五本○開寶二年河決澶州東匯于鄆濮

壞民田廬○四年四月河決觀城○五年五月河

決濮陽潁州團練使曹翰往塞之澶濟鄆曹濮等

州大水○六年七月濮州大雨壞州廨民舍○八

年五月濮州河決郭龍村

太宗淳化二年八月臨清縣民國忠妻一產三男

○三年河決壞陵故城

真宗咸平三年夏津縣民趙替妻一產三男○天

禧三年河決滑州泛澶濮鄆濟境

仁宗景祐二年十二月濮州蝗○寶元二年六月

濮州復蝗○至和二年河決大名館陶殿中丞李仲昌請自

澶州商胡河穿六塔渠以回河道遂以仲昌提舉
河渠歐陽脩三上疏力諫其不可後塔河成復決

英宗治平元年濮州大水

神宗熙寧四年二月辛巳京東濮州河北旁大風
百姓警畏○九年恩州武城縣大風壞城郭及官
民廬舍○十年秋七月丙申河決澶州曹村北流
斷絕河南徙東匯于梁山張澤樂分爲二派灌郡
縣四十五濮鄆被害尤甚○雍熙三年秋七月鄆
城蝗

哲宗紹聖元年濮州大水害稼

徽宗大觀中芝草生于武水講武亭

寧宗慶元六年四月癸巳熒惑合于室

金章宗明昌中恩州西五里產嘉禾一莖三穗

元成宗大德四年館陶嘉禾生一莖六穗

成宗至大元年澶曹濮高唐等州蝗

仁宗延祐元年濮州大雨水○六年三月曹濮二

州霖雨害稼

英宗至治元年濮州雨水害稼

泰定帝泰定元年濮州等處淫雨深丈餘○致和

元年六月濮德泰安等州九縣雨水害稼

順帝元統五年濮州鄆城等處饑○至元十四年

濮州雨水沒禾稼○至正二十六年河北徙上自東明曹濮皆被害

國朝正統十三年河決滎陽自開封城北經曹州濮

范至陽毅入漕河清沙灣東堤以達于海遣工部尚書石

璞侍郎王永和都御史王文相繼塞之弗績景泰四年左僉都御史徐有貞治之决口始塞

景泰七年春三月河溢漫流博平荏平二縣墊溺者甚衆

成化九年夏六月濮州博平旱大饑○十一年春

二月莘縣災○十四年春莘縣大水饑○十九年

秋冠縣旱饑人相食○二十一年秋莘縣等處旱

人相食

弘治五年春正月東昌府等處旱大饑夏五月濮

州地震○十年春三月冠縣大風墮魚于市○十

五年秋九月七日戌時濮州等處地震湧水出沙

居民傾壞者千餘壓死者五十餘人一日三十餘

震

正德四年荏平蟲○六年流賊劉六等寇武城等

縣遊擊許泰帥師抵臨清擊破之○七年六月濮

州清平博平蝗害稼○八年夏四月夏津縣大雨

雹○十二年冠縣滄山鄉人張敏糾聚黨為盜知

府侯宜正擒討之○十三年在平旱蝗生○十五年八月夏津縣地震

嘉靖元年冬十二月武城縣西城樓角南有孔出白氣如煙七日乃止○三年觀城地震○八年武城觀城等處飛蝗蔽天○九年秋七月河決武城縣○十一年春三月武城不雨至于夏五月六月淫雨

青州府

周魯莊公二十年夏齊大災劉向以為齊桓好色以妾為妻適庶屢更

故也

昭公三十二年彗星見當齊分時景公坐於棠下群臣皆泣晏子笑公怒晏子曰臣笑群臣泣也景公曰彗星出東北當齊分野寡人以為憂晏子曰君高臺深池賦歛如弗得刑罰恐弗勝彗星將出彗何懼乎公曰可禳否晏子曰神可祝而來亦可禳而去也百姓苦怨以萬數而君令一人禳之安能勝衆口乎是時景公好治宮室聚狗馬奢侈厚賦重刑故晏子以此諫之

赧王三十一年齊千乘博昌之間方數百里雨血

沾衣時莫昭王伐齊齊晉王出奔為楚將淖齒所殺

漢文帝元年四月齊地震山崩大水潰出

孺子嬰居攝三年琅琊海曲縣呂母招集亡命數千攻海曲執縣尹殺之

新莽天鳳五年春二月赤眉賊琅瑯人樊崇東海人徐宣等起兵于莒攻掠青州及泰山諸郡莽遣王匡擊之至建武三年降漢復謀反伏誅獨宣赦免

光武二十二年青州蝗

安帝永初三年七月張伯祿寇掠沿海九郡刺史龐雄督州兵討破之

質帝本初元年五月海水溢樂安北海溺殺人物

是時帝幼梁太后專政

桓帝永壽元年白鳥見齊國○永興二年六月東

海胸山崩

靈帝中平五年冬十月青州黃巾賊復起

三國魏明帝青龍三年春正月乙亥隕石于壽

光縣

晉武帝泰始五年青州大水○六年白龍見於東

莞○太康六年二月齊郡臨淄等四縣樂安等八

縣隕霜傷葉麥

惠帝元康五年四月癸巳臨淄有大蛇長十餘丈

負一小蛇入城北門徑市至漢城陽景王祠中不

見

明帝太寧元年後趙寇青州陷之

南北朝宋文帝元嘉五年秋七月白鹿見東莞莒

縣太守劉玄以獻按宋書白鹿王者明惠及下則至○二十五年

冬十一月青州城南遠望地中如水出有影謂之

地鏡

順帝昇明元年四月青龍見齊郡六月慶雲見益

都

齊鬱林王隆昌元年四月青州人耿翔據膠州殺

刺史青膠大使樊子鵠同大都督蔡雋討之

海陵王延興元年九月青州高陽人封鮮聚衆千

餘自號齊王為亂州軍討平之

隋文帝開皇十年十一月樂安蔡道人舉兵反陷

州縣越國公楊素討平之○十四年十一月癸未

有彗星孛於虛危及虛婁齊魯之分

唐太宗貞觀八年八月甲子有星孛于虛危

高宗上元三年八月青州大風海溢漂民五千餘

家齊淄等七州大水

玄宗開元十二年閏十二月丙辰朔日有食之在

虛初度

德宗貞元三年閏五月枉矢墜于虛危

憲宗元和十二年春青州一夕暴風自西北天遽晦冥空中有若旌旗之狀屋瓦上如蹂躪聲○十四年夏四月淄青二州隕霜殺惡草及荆棘不害嘉穀

昭宗乾寧三年十月客星三犯虛危一大二小乍合乍離相隨東行狀如鬪經三日而二小星沒大星後沒

五代後唐潞王清泰元年冬十一月彗出虛危

宋真宗景德三年八月青州大雨壞鼓樓門壓傷者數人

仁宗慶曆六年三月戊寅青州地震

神宗元豐三年五月青州臨朐益都石化為麪○七年十月青州芝生二十一本

金東海郡侯大安三年益都盜楊安兒寇掠山東州縣金僕散安貞討之

元成宗大德九年春三月般陽益都隕霜殺桑害

順帝元統二十三年十月丙申朔大名路抵青齊一方有赤氣照耀千里○至元四年冬十月密州安丘縣地震○至正四年八月莒州蒙陰縣地震

○六年二月益都路益都昌樂壽光地震三月高苑縣地震壞民居○十八年五月益都雨白霓秋八月蒙陰縣大饑○十九年莒州沂水日照二縣大疫○二十三年六月益都臨朐縣龍山有星隕於地

國朝

吳元年冬十月火逐金過齊魯分

按聖政記命徐達攻沂州

援之莒密等州皆降時金大二星會于守分望後火逐金過齊魯之分謂宜大展兵威復命徐達進兵益都遣人諭其守將老保不聽因急攻之乃出降

成化十五年莒州大稔麥一莖兩穗穀一莖六七穗

正德二年冬十有一月益都縣朱良店北有鸛鳥數萬集于故潞州知州李同仁殯所詰朝葬畢始去○八年益都窩駝村淳于冕塚中有聲如牛鳴半日方止

登州府

漢元帝永光四年東萊郡東牟山野蠶繭收萬餘石民人以為絲絮

和帝永元二年夏四月登州蝗

百步
宋文帝元嘉十二年正月白麀見東萊黃

縣刺史王方回以獻

孝武帝大明元年秋七月乙未白麀見曲城縣獲以獻

魏孝文帝太和十有九年春東萊之牟平虞丘山陷者五

五代晉齊王開運三年六月登州文登縣地内湧出金銅佛像四

唐武宗會昌元年秋登州雨雪文登尤甚破瓦害稼

宋太祖乾德四年十二月登獻之五莖

太宗端拱三年七月至冬登萊旱大饑○淳化元年文登年平饑

仁宗景祐元年春三月登萊二州饑○慶曆六年三月庚寅登州地震岨嶇山摧自是屢震徹海底有聲如雷九月甲辰登州有巨木浮海而出者三千餘

高宗建炎三年山東郡國大饑人相食○紹聖三十三年八月登州大蝗

金太宗天會六年登州大水○十一年登州水旱免其租

元世祖至元三十年九月辛巳登州蝗

成宗元貞二年冬十月寧海文登大水○三年寧海牟平獲白鹿于聖水山以獻○太德元年七月寧海州文登牟平等縣饑八月丁巳寧海州大旱○五年五月寧海大水○六年六月寧海等州饑賑穀粟一萬六千石
文宗天曆元年登州大有年○三年寧海州文登牟平等縣饑○至順元年寧海州文登饑賑粟三千餘石

順帝至正二十三年登州招遠萊陽寧海等處好妨生○二十七年萊州招遠縣大社里有大鳥自南飛至遺粟黍稻麥是歲大稔

國朝正德七年三月二十三日文登縣始皇廟內鍾鼓齊鳴少頃殿宇遂爲瓦礫神像顏色不改是日流賊數萬攻入縣城

萊州府

漢成帝末始二年黃龍見東萊

靈帝熹平二年東萊海出大魚二枚長八九丈高二丈餘○三年六月東萊北海水溢出漂沒人物○六年冬十月東萊雷○光和五年冬十月木火金合于虛相去各五寸如連珠

晉懷帝永嘉元年春二月群盜王彌等寇青徐殺東萊太守

南北朝宋文帝元嘉六年九月長廣昌陽淳于邈獲白兔青州刺史蕭思話以獻

北魏孝文帝太和十二年正月兗州人王伯恭聚衆起勞山稱齊王東萊鎮將孔伯孫討平之

唐文宗開成二年二月彗出于危長七尺西指南斗戊申在危西南芒耀甚盛

五代後唐明宗長興三年萊州奏即墨縣民王友家生芝草一本三枝

宋太宗太平興國五年七月濰州好蛭生

仁宗皇祐元年二月丁卯彗出於虛晨見東方西南指歷紫微至婁凡一百一十四日而沒

元順帝至正三年十二月膠州及高密縣地震○四年夏膠州高密縣旱○七年濰州昌邑膠州高密地震

國朝末樂戊戌高密縣產紫芝三十五本

山東通志卷之三十九

山東通志卷之四十
雜志
夫孔不語怪而述商羊萍實之謠孟放淫詞而載
齊東野人之語故說有荒唐而存之足以藏往事
有詭常而考之足以資博君子弗棄焉矧夫志方
真而辨土俗又何嫌於裨官埤雅之弗經齊諧燕
語之並錄邪

山東通志卷之四十

雜志

夫孔不語怪而述商羊萍實之謠孟放淫詞而載
齊東野人之語故說有荒唐而存之足以藏往事
有詭常而考之足以資博君子弗棄焉矧夫志方
真而辨土俗又何嫌於裨官埤雅之弗經齊諧燕
語之並錄邪

濟南府

泰山洞獸
泰山上多玉其下多金有獸狀如豚而
有珠名曰洞洞環水出焉東流注於江

醴泉神異
泰山之東有醴泉焉其形如井本
體皆石欲取飲者皆洗心跪而挹

雜志

泰山

醴泉

之則泉出如流若或汚慢則泉縮
焉蓋神明之常者也
明鏡崖石 濟南

方山相傳有負生得仙於此山南有明鏡崖石方
三丈魑魅行伏了了然在鏡中南燕時鏡上有漆

俗言山神惡其**房家園池** 歷城房家園齊博陵君
照物故漆之

聳泉石崇邃歷中祓禊之勝也曾有人折其樹森
者公曰何謂傷吾鳳條自後人不復敢折公語衆

軍君孝逸曰昔季倫金谷山泉何必踰此孝逸對
曰曾詣洛西遊其故所彼此相方試如明教孝逸

常欲還鄴詞人錢宿於此逸為詩曰風淪歷城水
月倚華山樹時人以兩句此謝靈運池塘十字焉

海神鐵鎖 齊郡歷山上舊有古鐵鎖大如人臂繞
其峯再匝相傳本海中山神好移故

海神鎖之挽鎖**華泉赤血** 華不注泉齊桓公取水
斷飛來於此

有人以繩千尺沉下試之不窮**臨濟妬婦** 臨濟有
石出赤如血其人父坐事死

相傳晉大始中劉伯玉妻段氏字明光性妬忌伯
玉嘗於妻前誦洛神賦語其妻曰娶婦得如此吾

無憾焉明光曰君何以水神善而欲殺我吾死何
愁不為水神其夜乃自沈而死後七日託夢語

伯玉曰君本願神吾今得為神也伯玉寤而覺方
遂終身不復渡水有婦人渡此津者皆攘衣杜粧

然後敢濟不爾風波暴發醜婦雖粧飾而渡其神
亦不妬也故齊人語曰欲求好婦立在津口婦立

水傍好**沙彌二桃** 長白山相傳古肅然山也岷南
醜自彰

廣固至岷聽鐘聲稍前忽見一寺門宇炳煥遂求
中食見一沙彌摘一桃與霄須臾又與一桃語霄

曰至此已淹留可去矣霄出迴顧失寺至廣固見
弟子言失和尚已二年霄始知二桃兆二年矣

魚腹金針 平原高苑城東有漁津相傳云魏末平
原潘府君字惠延自白馬登舟之部手

中弄囊遂墜於水囊中有鍾乳一兩在郡三年濟
水泛溢得一魚長三丈廣五尺剖其腹中得墜水

之囊金針尚在鍾乳消盡其**長白女郎** 長白山西
魚得脂數十斛時人異之

魏孝昭之世清河崔羅什弱冠被徵詣州夜經於
此忽見朱門粉壁樓臺相望俄有一青衣出語什

日女郎須見崔郎什既然下馬入重門內有一青衣通問曰女郎平陵劉府君之妻侍中吳質之女府君先行故欲相見遂與什温凉室內什遂問曰魏帝與尊公為元城令然否女曰家君元城之日妻生之歲什乃與論漢杜林水厄平原縣西有杜魏事悉與魏史符合

伯家於長白山有人寄敬伯書言我吳江使也通問齊伯幸君通之仍教於杜林中取杜藥投水當有人出敬伯從之果有人令閉目引入水見一翁年八九十坐水精牀開書曰裕興超滅侍衛者皆圓眼具甲冑贈敬伯以刀曰好持此刀當無水厄敬伯出至杜林衣無沾濕其年宋武帝滅燕敬伯居兩河間夜忽大水敬伯坐一牀至曉着岸下看之牀乃一大龜也世傳杜林有河伯塚

儒墨言命 歷陽之郡一宿化成湖白起坑趙卒四十萬眾並有命邪言命者曰命當弱死

故聚於歷陽命當歷死故聚於平原論衡設奇激主漢武帝欲殺乳母母告急東方朔曰帝怒而傍人言益死之速耳臨去但屢顧我當設奇以激

之乳母如其言朔在帝側曰汝宜速去帝今大豈念汝乳哺之時恩邪帝愴然遂赦之

長山腹狸 長山留元寂宋元嘉十九年捕一狸剖二狸雖相苞懷而大小不殊元寂不以為怪以皮掛於屋後其夜有羣狸繞之號呼失皮所在

白驪自殪 玄宗將登封泰山益州進白驪至潔偉倦告成禮畢復乘而下纜下山均休息未久而有司言曰驪無疾而殪上歎異之謚曰白驪將軍命有司具檣積累石為墓在封

禪壇北一里今存**臺城蒲箭** 臺城東南高八丈秦始皇所登處在臺下索馬至今蒲生猶索似水揚而堪為箭

泰岩若泣 禁宮中有女子化為龍不可近俄而復為婦人甚麗而食人桀命為蛟妾而泰之岩泣先儒說桀之將亡泰山泣三日今泰山山

石遠望之若人泣**玉策探壽** 岱宗上有金人壽脩短武帝探得十八創**彥穎女妖** 宋乾道間讀曰八十後壽如之

穎省親臨濟回托宿邸店倦憇房內一女子推戶
入問為誰密對曰我南鄰京氏處女知爾至此竊
相就暨喜留宿因隨歸里情好轉篤日曰京娘歲
餘出遊野外見墓祭者大慟曰未知我父母為我
添墳上土否眾駭而叩之不肯言晚歸語暨曰我
實非人死未久但精不泯得以周旋世間與君有
夙契得諸伉儷茲暫別明年今日當再會
會面於郊矣遂趨出不見及期果遇之
陳知縣在泰寧日夢三牛當道作人立而言曰莫
殺我覺而告妻子曰今日詞狀須有來判憑者縣
故凡遇開剥病牛者必投狀乃許之蓋欲防私宰
殺也明日治事第一狀曰家耕牛三頭如何但說為一其
人駭愕不能對即遣一吏隨往驗視果見三牛其
一已就屠乃怪魅斂袂萊蕪人王直夫性剛介不
媚鬼神黨友或勉之則曰
依法冥于罪怪魅斂袂媚鬼神黨友或勉之則曰
死生有命富貴在天吾平生立志不可易也虜亮
正隆元年變怪驟興正晝鬼見形於中庭窺戶肅
梁移林徙釜歌笑馳走百端千態舉室怖駭寢食
不遑安直夫疑然不動乎長幼戒之日無以異物

置效而畏之也家人意少定一日端坐堂上
魁身長七尺高冠大帶深衣朱履拱立於前直去
了不動色魅斂袂言王翁真正人某等猶恐色厲
內狂故示怪以相撼自是無敢循舊態矣

好勇啖肉 齊人好勇者其一人居東郭一人居
西郭幸而相遇飲酒曰酒須肉乎各

抽刀自割相啖遂**平原尸異** 顏真卿既沒於賊縊
至於死

家遷喪還京啓殯視之棺朽敗而尸形儼然肌肉
如生手足柔輭鬚髮青黑握拳不開爪透手背遠

近驚**雷擊逆居** 宋德州平原縣民有父子數人耕
異焉

養母兄未嘗有甘旨之助也慶曆中兄新構瓦屋
三楹所居前後植柳數百株枝如拱把一夕大雷

電繞其居折柳盡髮亂擊屋瓦其夜鄰家聞門外
語曰不孝之家宜盡碎之明日視屋無一瓦得全

孝感織女 漢董永千乘人少失母獨養父
以書

萬約以身作傭葬畢道遇一婦人求為妻永與俱
詣錢主令織絹三百疋以償甫一月而畢辭去

曰我天上織女也緣君孝上帝命我織絹償債言
訖凌空去意其果然邪天地浩蕩事固不可曉者
豈永孝感鬼神故遣怪物相助托言織女蠻山蠶
理或然也若曰天果有織女則不可蠻山蠶
穀蠻山蠶種於地後有仙人藏穀種於洞中數年一次出
養金蠶後常有拾金
蠶者故名淄川縣志

兗州府

雷澤神跡

楚人氏之世有巨人跡見於雷澤庖羲
而始娠遂生庖羲氏於東尤冢皇覽曰蚩尤冢
成紀蛇身人首史峯

鄉城中高七尺常十月柯之有赤

氣出如絳名為蚩尤旗

尼山毓聖顏氏

尼丘升之谷草木之葉皆上起降之谷草木之葉

皆下垂及懷妊十一月而生是夕有二龍繞室五

老降庭五老者五星之精也顏氏之房聞鈞天之

樂空中有聲云大哉生聖子故降以和樂之音

顏氏婚配

孟皮有足疾於是乃求婚於顏氏顏氏

有二女其父問曰取大夫雖父祖為卿士然其先

聖王之裔今其人身長十尺武力絕倫雖年高性

嚴不足為疑三子孰能為之妻二子莫對其幼微

在進日從父所制將何問焉父曰爾能矣遂以

妻之闕里王書孔子未生時有麒麟吐王書

衰周而為素王顏氏異之以繡紱繫麟群鵠培城

昔魯人泛海漂泊而失津至澶州遇先聖七十子

遊於海上指以歸途使告魯公築城以備寇魯人

歸以告魯侯侯以為誕俄有羣鵠數萬衛土培城

候始信乃城曲阜訖而齊冠果至六國

鯉魚為異孔子衣高冠聲動左右子路戰于庭仆地

乃大鯉魚也孔子歎曰胡為乎來哉吾

聞物老羣精依之因衰而至異人石跡

金明昌元年有異人履玄白鳥瞻拜先聖於廟門

外竚立石上甚有異色既去其石跡存焉有文曰

仙人脚次年 雲鶴翔鳴 金真祐二年正月二十四

有旨修廟 灰燼什伍植檜三株亦遭厄數適有五色雲覆其上

廟學正塘泊族人避於其間俄有五雲鍾離意為魯

雲中羣鶴翔鳴良久而懸甕素書 相出私錢萬三

去田夫野老無不見之 千付戶曹孔訢修夫子車入廟拭几席劍履有男

子張伯除堂下草土中得玉璧七枚伯懷其一以

六枚白意意令主簿安置於前其堂下床首有懸

甕意召訢問答曰夫子甕也昔有丹書人莫敢發

意曰夫子所以遺甕欲以垂示後人因發之得素

書文曰後世脩吾書董仲舒護吾車拭吾履發吾

意即召問伯果服焉 有七張伯懷其一 顏墓石楠

城有顏回墓前石楠二株可三四十 魯城朽門

園土人云顏回手植之本 矣孔于曰吾惡其父疾行而過之左右曰如此父

盜化良 曹州于今儀長厚不忤物一夕盜入其家

為盜以千錢與之既去呼之曰汝夜賣錢以歸

為人所詰留之至明使去盜感愧卒為良民人

于為善 丁昭儀墓 漢建平二年哀帝母丁太后

定陶王莽秉政貶號丁姬開其櫛戶火出炎四五

事畢迎魂輿還舍修行於前步武輕駛它人莫能

疾潛歸縣人皆不知也及葬日直麻跣足至寔所

哭踊哀極妻問之曰爾作一邑宰何得無僕馬及

寘殆類已死者其家卜將叢厝修忽奔馳而來

切泣下時家人報訃猶未至因憂念成疾伏枕寘

歸未遠一夕夢以告之曰我於某日亡矣寤而痛

齊為萊蕪丞單車到官歲餘為父在鄉里病篤欲

謂之長隧陵 離魂會變 東平府東阿關

家巍然列郭數周而開重門南門內夾道有什碑

平恭王母傅太后墳及丁姬冢又周練其處以為

子第及諸生四夷十餘萬人操持作具助將作掘

丈吏卒以水潑滅乃得入燒潘擲中器物公卿遣

士 為善 丁昭儀墓 漢建平二年哀帝母丁太后

為盜以千錢與之既去呼之曰汝夜賣錢以歸

為人所詰留之至明使去盜感愧卒為良民人

于為善 丁昭儀墓 漢建平二年哀帝母丁太后

定陶王莽秉政貶號丁姬開其櫛戶火出炎四五

追攝迨到家後夫所在舉族同測急走僕兼程審訊正困卧綿劣父乃漸愈蓋向者愁思之劇離魂

會喪孝心精邑李漁夢曹州定陶縣北有陂澤居

誠所格耳虜亮正隆二年女直人阿失里為邑宰夢一客綠

袍烏帽皂鞋革帶握手扳入謁曰吾族居治下為

細民捕殺將使無噍類願清慈憐少加禁止失里

夢中諾之明夜復夢莫知所謂迨春暮澤邊人什

百為羣脫衣入水網笊羅取數倍常日忽晴霧迷

空波涌如山雷聲振動一巨物長六七尺狀若蛟

螭噴薄雲煙摧壞岸嶺人皆棄所獲爭赴平地衛

溺死者殆半衆始悟邑宰之夢自是無復敢漁

淵嗜酒下夢身游他所或報酒成疾盛夏醉卧牖

走淵倉忙伏竄暨還家盡室皆遭伴掠獨行山間

忽遇故人閭中李亨嘉王勉夫三人相問存沒

告以其孥無恙且曰過此數里有酒肆盍共訪之

淵喜到市淵先酌一危別一鬢執器愁慘淵謂之

鬢泣曰適所飲者非麴蘖醞成皆人之精血爾世

人居陽間地踐餘歷崇積映於此則積其骨髓而

為之乃引入後室傍有百餘人裸坐兩大鬼持

以次以置槽內大石壓醉人血自口流溢俄而成

酒淵怖慄而覺方與妖兒漢哀帝建平四年方輿

未生二日兒啼腹中及生不舉葬之陌上三日王

人過聞帝聲母掘養之方輿今魚臺也

道夢異潛為祈禱尋掘地得錢百萬意甚惡之及

悅疾篤導憂念至不食忽見一人披甲持刀導問

君是何人曰僕是蔣侯也公兒不佳欲為請命因

求食遂取數升食訖謂導曰中書忠王兒慰母邪

非可救者言訖不見悅遂卒

王凝妻謝氏頓亡二男痛甚忽見二兒並着緋慰

母曰兒並有罪請宜作福於是母止哀而勤為求

請號王鐵鎗五代王彥章字子明鄆州壽昌人

履棘行百步持一鐵鎗而馳突奮疾雷震負義

如飛軍中號王鐵鎗

無畏曹州人與張從真為友無畏貧窘從真家

假以千緡貨易由是無畏射利江淮歲餘已富從

真

真

真

真

真

真

真

真

真

真

真

真

真

真

真

真

真

真

真

真

真

真

真

真繼遭焚蕪及罹劫盜生計一空遂詰無畏曰今日之困第不思千緒之報可相濟三二百千無畏

扣之曰若言有負但執券來從真怨恨詛之未幾雷電皆至霹靂一震無畏變為牛朱書腹下云貧

心人史無畏刺史圖其魯井玉羊魯哀公使人穿事而奏焉魯井玉羊井三月不得泉

得一玉羊哀公甚懼孔子曰聞水之精為玉土之精為羊此羊肝乃土耳哀公使人殺羊其肝即土

也蘭陵金鳥蘭陵昌慮縣郢城有華山山上

團翅此鳥見則大水井不可窺窺者不盈一歲輒死

得病死家人迎喪旒繞樹不可解乃托夢曰我壽命未應死但服藥太多傷五臟耳今當復活慎無

葬衣乃開棺形骸如故手爪刮摩板皆傷漸有氣息稍咽飲食開日不言語者十餘年而後死

好獵受禍唐方山開曹州城武人善弓矢每好

云初死時被二十人引去上一山三鬼引山開

一黑鷹亦鐵嘴爪攫右肩而去至山頂引見一官將遣受罪侍者諫曰山開未合死未若且放令脩

功德官人曰善令二人送之依舊道而下復有鷹欲攫之及下山見一坑被二人推入即蘇而膊爪

蹟宛然居厚誅降宋蔡居厚知郢州有梁山濼

明年以兵部侍郎奉祠金陵疽發于背命道士禳謝因令所親王拱代作心詞明日居厚卒拱又卒

既而拱復生曰適到陰司主者責之拱曰皆居厚命意拱但行詞而已俄見數鬼引出居厚枷繫聯

貫極為枯瘠遙告拱曰子歸即語吾夫人葬親感令急救我我在此紙是理會郢州一事耳

瓜宋韓靈珍東海郊人喪母三年貧無所葬與弟瓜靈敏共種瓜半畝欲以營殯及瓜熟採賣每朝

取暮復生芻靈指示元史彥斌嗜學有孝行順帝遂得充葬芻靈指示至正十四年河溢金鄉魚臺

墳墓多壞彥斌母卒慮有後患乃為複棺刻銘曰邳州沙河店史彥斌母棺仍以四鐵環釘其上然

後葬明年墓果為水所漂彥斌縛草為人置水中仰天呼曰母棺被水不知其處願天矜憐哀子之

心假此芻靈指示母棺言訖淚泣橫流乃乘舟隨
草人所之經十餘日行三百餘里草人止于桑林
中視之母柩在焉載歸 **黃巢童識**唐僖宗時童識
復葬之 **以上為善書** **黃巢童識**曰金色蝦蟆爭

走秦山東死在翁家翁後皆為黃巢之應 **萊公**
勞眼翻却曹州天下反中和初童謠曰黃巢

鬼妾寇萊公有妾舊桃隨南遷再移光州舊桃泣
托願葬杭州天竺寺吾向不言恐泄陰理今欲去

言亦無害公當為世主者閻浮捉王也公不父亦
亡有僧克僅見公於曹州境上擁驢北 **石人符識**

去克僅詢問後騎曰閻浮捉王交政也 **石人符識**
元至正十年河南北童謠云石人一隻眼挑動黃

河天下反及賈魯治河於黃陵岡得石人一眼而
汝穎之兵起宋濂曰議者往往謂天下之亂皆由

賈魯治河之役勞民動衆之所致殊不知元之所
以亡者紀綱廢弛風俗偷薄其致亂之階非一朝

一夕之故也使魯不與是役天下之亂詎無從而
起石獅朱目洪武初曹州有老嫗遇異人指州

水患至矣汝於其時亟去可免也嫗既覺於是日
往視其獅甚數人怪問之知其故陰以朱塗於獅

之日嫗見其赤不知其為朱也遂亟走焉既
去數百武回視之則州境果為巨水浸矣 **優戲**

五龍天順末州人隸東嶽神廟賽禱有優人以五
龍王劈生分子為戲其一人問云生分子子何

在一人荅云在張家樓飲酒時州判易緯之子方
宴於張家樓適為暴雷震死與優人語合人為驚

異沂州漏鰲沂州有鰲周圍百里每春雨魚
聞數十里名為漏鰲村人具車乘 **呂翁鶴草** 呂仙

競拾魚鼈輦載而歸 **呂翁鶴草** 翁四
月十四日誕遊單父既去邑人於城東北隅立祠

州人包九成心慕仙翁乃於四月十三日精誠設
蘇致禱曰如仙翁復來願示靈響至四日果有白

鶴四隻從西南來輔時方去自是每於仙翁誕日
祠側草荆上結成鶴形日高

遂泯至今猶顯其異 **東昌府**

東昌府

濮水新聲

濮水東逕濮陽縣故城南昔師延為紂

濮水而死

後衛靈公將之晉而設舍於濮水漢陽

續生

濮陽郡有續生者身長七八尺剪髮留二三

一場戲處

皆有續生郡人張孝恭疑之自在戲場對

一續生

又遣奴子到諸處凡戲場果皆有續生天

早續生

入泥塗偃屐久之必雨土人謂之猪龍夜

中有人

見北市電火往視之有一蟒蛇身在電裏

至曉見

續生拂灰而出後高唐海市國陽文忠公

不知所

之今行記

高唐縣

驛舍中夜有鬼神自空中過車馬人鳴石

畜之聲

一可辨土人謂之海市

隱仙

高唐縣鳴石山岩高百餘仞人以物扣岩聲

石自娛

每見一人著白單衣徘徊岩上及曉方去

宣後

令人擊石於岩上潛伺俄然果來因遽執袂

詰之

自言姓王字中倫衛人周宣王時入少室山

學道

比頻適方壺去來經此愛此石響故輒留聽

宣乃

求其養上唯留一石如雀卵初則凌空百餘

步猶

見漸漸煙霧障之宣得石含輒百日不飢

巫祝

召怪鎮徙于此郭富有倉箱之積性好

鬼神

凡有所往無論路遠近事大小必叩諸神

以為

可則治行不然則已又酷信巫祝叩淫祠尤

謹敬

歲月滋久禱請多不驗於是懈怠之心生翻

成毀

悖嘗以六月正午坐堂上僕妾在傍忽聞訶

叱聲

注目凝視見數少年黃衫小帽王帶綠鞞振

袖過庭下人物木尺許而歷歷可觀轟震駭呼家

衆悉至所觀儼然皆驚走出外少年者冉冉騰空

駕雲額從吏以線一縷繫通紅炭一挺長三尺置

于屋上其去稍遠轟濮州鳥異濮州刺史李全璋

愁疾竟不起

張寢病有鳥止庭樹白首赤足黃

腹丹翅其鳴但云懊恨也母方如是晝夜不絕聲

十餘日張死鳥厲鬼救旱李光遠開元中為館陶

遂不見

張死鳥厲鬼救旱李光遠開元中為館陶

書就暴卒後縣申旱狀州司馬不從百姓胥怨皆

曰長官不死寧有是邪其夜光遠忽乘白馬至謂

挂志

東野先生集

卷之三

百姓曰我雖死早不慮不成遂詣司馬宅司馬大懼使人致謝沈遠責云早是百姓事何以生生死為

宜速成之不然當為厲矣言訖與百姓辭去其年早成**雷震墓**唐大和

軍吏裴用年六十二病死葬旬日雷震其墓棺出百許步其家重瘞之用鐵索繫其棺未幾震如前

復重瘞不旬日震復如前而棺極灰燼不**華歆**識

可得而收矣因設靈儀招魂以葬**異**華歆未仕時嘗宿人門外主人婦夜產有頃兩

吏詣門便辟易却相謂曰公在此躊躇良久一吏曰籍當定奈何得住乃前向歆拜相將入出並

行共拜曰當與幾歲一人曰當三歲天明歆去後欲驗其事至其向故住問元消息

云已死歆乃自知當為公**酒僧**肖驢城東普光寺僧元暉嗜酒得疾困卧忽仰首長鳴頓仆

于下問所苦曰腰脊下尾骨痛不可忍視之乃驢尾自皮膚茁出明日長尺許遍體生毛首面肖驢

數日蹄鬣備孝吼悲鳴家人議殺之僧云不可此天所以示戒

妻夢捕盜唐冀州館陶縣周主簿者十年方死

人從往周將錢帛稍多二人乃以囊盛土厚藏之錢帛盡盜去至歲暮其妻夢周具陳被殺之狀及

所盜物藏隱之處妻乃訴之官官司索辨具**清陽**得實狀錢帛並獲二人皆坐死

義僕李善字次孫清陽人同縣李元蒼頭也建武財千萬諸奴婢私共謀議欲殺續以分其財善深

傷李氏而力不能制乃潛負續逃隱丘界中親自哺養續雖在孩抱奉之不異長君有事輒長跪

請白然後後行之問里感其行皆相率修義續年十歲善奉之歸本邑修理舊業告奴婢於長吏悉收

治之時鐘離意為瑕丘令上書薦善行狀詔拜善及續並為太子舍人善再遷日南太守從京師之

官道經濟陽過李元家未至一里乃脫朝服持鉏去草及拜墓哭泣甚悲身自炊爨執鼎俎以修祭

祀伏地泣曰君夫人善在此盡哀數日乃去到官以愛惠為政遷九江太

守續至河間相**甘泉通海**莘縣有甘泉邑領命取東海水引藥以療疾者限期甚急道經本

縣夜宿城東邸店愁懼不已夢寐間有神告以此

惟

處有甘泉其源通於海可取之以復命明且果尋
至井嘗其水味甘美殊常遂取之以歸後疾果愈

靈廟護兵靖靈廟邑父老相傳太宗文皇帝

拒帝屢被其挫帝夜夢復與奮戰敗急忽見一
長鬚大漢自西南騎白馬持大刀聲言救駕即斫

平都司馬倒帝得脫難問其姓氏曰臣莘縣城隍
既覺帝深疑之至旦復與平都司戰其始末果如

妻中事後特加高唐雲雨宋元豐元年王闢之調

封焉御史黃夷仲口占一絕諺之曰高唐不是那高唐

襄王此雖謔談亦足以白雀繞城堂邑城名白雀

馴集故也迨今時或見焉且真武廟為元白雀觀
址以掘得石刻所識如此則城之命名有自矣

師權先識晉師權在平人居家富裕尚義并州

免之勒本武鄉羯人有膽力既得免乃與牧師汲

公孫藩自稱將軍起兵趙魏間衆至數萬與勒

帥數百騎赴之桑始命勒以石為姓以勒為名後

勒降漢劉淵以勒為護漢將軍漢主曜封勒為趙

公大興二年勒自為趙王改號建國咸和五年稱

皇帝召權欲用之權歎曰處濁世以求富貴寧甘

貧賤而死丘壑耳遂變姓名

而隱勒敗權始歸鄉

青州府

東海魚錯東海中有半體魚其形狀如牛剥其皮

魚生子子驚還入母腸尋復出又有物狀如凝血
縱廣數尺方圓名曰鮓魚無頭目處所內無藏衆
蝦附之隨其東西北海龍馬海岱之間出玄黃石

唐玄宗命臨淄守歲採而貢焉開元二十七年江
夏李邕為臨淄守是歲秋因入山採玄黃石忽遇
一翁叩馬告曰君侯躬自採藥豈不為延聖主之
壽乎曰然翁曰聖主當獲龍馬則享國萬歲無勞

採藥耳邕曰龍馬安在荅曰當在齊魯之間邕命
 駕以後乘遽亡邕大異之曰得非神人乎即命其
 吏王乾真往求之二十九年果得於北海郡民馬
 會恩家其色騅毛兩脇有鱗鬃尾若龍日馳三百
 里獻 **天火逆居** 唐元和中李師道據青齊蓄兵勇
 之 將討之王師不利而師道益驕乃建新宮擬天子
 正殿卜日而居是夕雲物遽晦風雷如撼遂為震
 擊傾圮俄復繼以天火了無遺者青齊人相顧語
 曰為人臣而逆其君者禍固宜矣今譴見於天安
 可逃其戾乎旬餘師道 **祖洲仙草** 祖洲在東海中
 果誅死 **不死草** 生瓊田中草似菰苗長二尺 **水伯波臣**
 許人已死者以草覆之復生 **十洲記**

與帝會始皇從橋入海四十甲工與神相見左在
 巧者潛盡其像神怒曰帝負以約可速去始皇轉馬
 前脚纒立後脚遂崩僅得登岸今見成山東海水
 中有豎石往往相望似石橋又有石柱二作出乍
 沒或云始皇度海立此 **宗岱禁淫** 宗岱為青州刺史
 石以為記 **齊書** 史禁淫祀著無
 鬼論甚精鄰州咸化之後有一書生葛巾脩刺請
 岱與之談書生振衣起曰君絕我輩血食二十餘
 年君有青牛鬣奴未得相因今奴已叛牛已死得
 相制矣言絕遂失書生明日而岱 **六千廣記**

劉燼草藥 青州劉燼宋元嘉中射一鹿剖五臟以
 此草塞之蹶然而起燼密錄此草種之
 多主傷折俗呼為 **北門巨蛇** 齊桓公二十年征孤竹
 劉燼草 **北門巨蛇** 齊桓公二十年征孤竹
 於市中市人悉 **山神導水** 至卑耳之谿十里闌然
 觀自北門入 **山神導水** 至卑耳之谿十里闌然
 止瞠然視授弓而未發謂左右曰見前乎左右對
 曰不見公曰寡人見長尺而人物具焉冠右袂衣
 走馬前豈有人若此乎管仲對曰臣聞豈山之神
 有偷兒長尺人物具霸王之君興則豈山之神見

與帝會始皇從橋入海四十甲工與神相見左在
 巧者潛盡其像神怒曰帝負以約可速去始皇轉馬
 前脚纒立後脚遂崩僅得登岸今見成山東海水
 中有豎石往往相望似石橋又有石柱二作出乍
 沒或云始皇度海立此 **宗岱禁淫** 宗岱為青州刺史
 石以為記 **齊書** 史禁淫祀著無
 鬼論甚精鄰州咸化之後有一書生葛巾脩刺請
 岱與之談書生振衣起曰君絕我輩血食二十餘
 年君有青牛鬣奴未得相因今奴已叛牛已死得
 相制矣言絕遂失書生明日而岱 **六千廣記**

劉燼草藥 青州劉燼宋元嘉中射一鹿剖五臟以
 此草塞之蹶然而起燼密錄此草種之
 多主傷折俗呼為 **北門巨蛇** 齊桓公二十年征孤竹
 劉燼草 **北門巨蛇** 齊桓公二十年征孤竹
 於市中市人悉 **山神導水** 至卑耳之谿十里闌然
 觀自北門入 **山神導水** 至卑耳之谿十里闌然
 止瞠然視授弓而未發謂左右曰見前乎左右對
 曰不見公曰寡人見長尺而人物具焉冠右袂衣
 走馬前豈有人若此乎管仲對曰臣聞豈山之神
 有偷兒長尺人物具霸王之君興則豈山之神見

與帝會始皇從橋入海四十甲工與神相見左在
 巧者潛盡其像神怒曰帝負以約可速去始皇轉馬
 前脚纒立後脚遂崩僅得登岸今見成山東海水
 中有豎石往往相望似石橋又有石柱二作出乍
 沒或云始皇度海立此 **宗岱禁淫** 宗岱為青州刺史
 石以為記 **齊書** 史禁淫祀著無
 鬼論甚精鄰州咸化之後有一書生葛巾脩刺請
 岱與之談書生振衣起曰君絕我輩血食二十餘
 年君有青牛鬣奴未得相因今奴已叛牛已死得
 相制矣言絕遂失書生明日而岱 **六千廣記**

劉燼草藥 青州劉燼宋元嘉中射一鹿剖五臟以
 此草塞之蹶然而起燼密錄此草種之
 多主傷折俗呼為 **北門巨蛇** 齊桓公二十年征孤竹
 劉燼草 **北門巨蛇** 齊桓公二十年征孤竹
 於市中市人悉 **山神導水** 至卑耳之谿十里闌然
 觀自北門入 **山神導水** 至卑耳之谿十里闌然
 止瞠然視授弓而未發謂左右曰見前乎左右對
 曰不見公曰寡人見長尺而人物具焉冠右袂衣
 走馬前豈有人若此乎管仲對曰臣聞豈山之神
 有偷兒長尺人物具霸王之君興則豈山之神見

且走馬前走導也祛衣示前有水右祛衣示從右
 方涉也至卑耳之溪有贊水者從左方涉其深及
 冠右方涉其深至膝已涉矣齊桓公拜 **五龍望氣**
 曰仲父之聖此寡人之私罪也父矣
 廣固城晉末嘉中東萊人曹嶷所造也水側山際
 有五龍口義熙五年劉武王伐慕容超於廣固也
 以藉險難攻兵力勞弊河間人玄文說裕云昔趙
 攻曹嶷望氣者以為澗水帶城非可攻拔若塞五
 龍口城當必陷石虎從之嶷請降降後五日大雨
 雷電震開後慕容恪攻段龕十旬不拔塞城而龕
 降降後無幾又震開之舊基猶存誠宜修築裕遂
 塞之超及城內男女悉脚弱病者大半超遂出奔
 為晉所擒 **魚腹得書** 呂望釣於渭濱獲鯉魚剖
 腹得書曰呂望封於齊 **還金歸女** 偽蜀羅城使程彥賓臨淄人攻遂寧
 父母持金請贖公還金歸女二人彥賓處以別室後
 建旄旆彥賓云吾所願壽終耳後踰六十果無疾
 而卒 **東海鬼域** 朱梁時青州有客泛海遇風飄
 至一處有城郭海師云吾聞鬼

域在是因登岸入城其田舍不殊中國至言備宴
 侍宴者數十衣冠器用多類中國升殿窺之俄而
 王疾召巫視之謂有陽地人至此故病當謝遣
 之遂宴客宴畢客乘馬至岸登舟得歸 **食龍芻** 東海島穆天子養八駿處也島中有草名
 化為龍 **紅絲石硯** 紅絲石硯者君謨贈余云此青
 水使足乃可用不然渴燥彥猷甚奇此硯以為發
 墨不減端石君謨又言端石瑩潤惟有紅者尤發
 墨歛石多鏗惟賦理者特佳蓋物之奇者必異
 其類也此言與余特異故并記之 **歐陽公集**
淄石佛 青州臨淄縣二十里外有古石佛一軀高
 夜不少止邑民遠邇競來祈拜日不減萬人邑宰
 吳直亨惡其妖異惑眾集里保丁壯擊碎之明年
 繇遂為群盜所破說者謂石 **枯解雲為怪** 青州益都
 乃良止之物動則變生矣 **營新第於北郭既成百怪交與白晝出沒煙氛蔚**
 蔚之中神形鳥面見人紛紜往來偃肆自若邀道

術者施法攝治不効有狗屠范五素以凶悍著請
德柔求酒饌獨往宿夜半西廡下一人從地踊出
短身縮項著朱衣形體充牣兩手相擊歌舞庭下
范握刀逐之至東南隅失所在誌記其處明旦發
土壤獲一枯蟹投諸水其後帖然
白衣亡命
宋紹熙時河南邳徐
靖寶者為之魁虜立賞格捕之下邳樵夫蔡五采
薪於野衣食不給歎於道曰使我捉得陳靖寶便
有官有錢逢一白衣人荷擔上繫羣羣從後呼曰
我識陳靖寶恨獨力不能勝耳蔡大驚釋擔以問
白衣取羣席鋪於破垣之側促坐共議斯須顧蔡
厲聲一喝蔡為席載起騰入雲霄空而飛直去
八百里墮于益都府庭下府帥震駭謂為巨妖命
武士執縛荷械獄犴窮訊所由蔡不知置辭而靖
寶竟亡命疑白**柿根奇石**
青州譙氏大家也其所
衣者是其人云居堂後有大柿樹圍三
丈許蓋百餘年之物崇寧二年冬雪寒甚木凍裂
至根中有奇石長袤丈紋理瑩然碧色可愛聞者
爭觀莫測其光多以為祥然自此家道凌替售宅
於他人居之復不寧泊宣和未不及三十年屢易

救蛇獲報
州刺史王神念毀臨海廟棟
上蛇役夫縱去是夜子春夢一人云被入壞所

居欲惡此境經日方知神念毀廟因立祠後夢一
朱衣人謝曰當以一州相報月餘魏襲胸**盜死報**
子春破之武帝以為南青州刺史

恩宋青州益都尉老華人云初在鄉累舉不捷居
郊野一夕有盜雨中穿窬而入謂盜曰汝冒雨

先壁必不得已盜口我營卒也因博輸不敢歸乃
來相擾尉曰吾有絹二疋取贈之盜謝去復詰營

請于軍尉得不治罪後將就試卒忽出燈下曰某
前蒙恩誓必報今不幸歿于軍既而赴舉試前盜

以所試題送出累場皆然悉不差謬果獲高薦至
南省亦然已而登第卒又見曰若遇益都尉不可

不受有數人負命者在彼至時某亦當往相助後
果尉是邑到官未幾有告羣盜聚某村林中者尉

率衆往捕會馬駿獨尉與一鷹吏先至**鶴鳥翔墓**
其地羣盜望見皆俯伏就執

益都縣北四十里朱良店之後有孟嘗君墓墓前
有知州李雲山墓正德初突有鶴鳥萬餘宿於棗

隄
上
注

天用考試從呂輟旦偕行夜宿旅驛幾忘寢寐迨至忽死真院天用為買棺斂葬而以書告呂呂失聲歎息又數日客從京師來持旦與呂書考其日時乃其在既死之後天用猶未開院及出得報絕驚異遣人發其殯則棺空矣

朱蛇化兒

宗立本黃縣人為行商無子宋紹興間與妻販

縑帛往昌樂塗遇小兒可六七歲遊拜語言獮利問所來對曰我昌邑縣公吏之子立本拊之曰肯從我乎兒拜泣遂收育之名為神授兒性警敏能作大字篆隸草書立本棄舊業攜兒游使習路歧體態以自給後二年至章丘逢一胡僧指兒謂之曰爾何處拾來立本曰吾妻實生之僧笑曰是吾

五臺山五百小龍之一也失之二歲方尋見之父留定撥大禍吾已密施法禁彼亦無復肆其虐於是索水噴嚏立化為小朱蛇盤旋於地僧執淨瓶呼神授名蛇即躍入其中淮東鈴轄下易之親呼異

海畔石龜

班所傳

海上陸機詩云石龜常懷萊陽蘆塘有蘆塘入海我寧忘故鄉

萊陽蘆塘

萊陽縣東有蘆塘入海

頃其深不可測中有大魚五日一奮三圍其狀異常每出水則小魚奔逐隨水上岸不可勝計又云此塘有鮫魚五日一化或為美婦人或為美男子後為雷電所擊此塘遂乾

杵擣鐵臼

宋東海徐甲者先娶妻許氏生一男夕

白因名已所生子曰鐵杵欲以杵擣鐵臼也於是恣意行暴鐵臼竟以凍餓被杖而死後旬餘鬼忽還家登陳牀曰我鐵臼也實無罪惡橫見殘害我母訴冤於天今得天曹符來取鐵杵當令鐵杵疾病與我遭苦時同將去有期我今停於此待之家人不見其形但聞其語時復歌云桃李花嚴霜落奈何桃李子嚴霜早落已聲甚傷切悼已之不得成長也于時鐵杵六歲鬼至便病月餘而死

萊州府

三山陸蒼

傳敬字次張濰州人為士子時以紹興二十年過吳江縱步塔院見僧房東室

有殯宮問為誰僧云數歲前知縣館客身故聞其
家在福建無力歸窆因權厝于此敬憐之是夜夢
儒冠人持名紙來見曰三山陸蒼自敘踪跡與僧
言同將退拱手曰旅魂棲泊無依君其念我明旦
啟以告邑宰遂遷葬于官地至七月啟赴試寓西
湖小刹復夢陸生來再三致謝且云舉場三日題
日蒼悉之謹奉告宜勿泄啟寤而精思小珠遺卵
屬葉泊應試盡如其夢於是高揭薦名小珠遺卵
密州之東百二十里接海濱有山曰小珠雙峰嵯
峨高入雲際中間一水清泚可鑒為團頂皆虜正
隆二年秋雨民行山隈至窺側見一卵在地可盛
粟二石斑斕光彩異而觀之乃刈葛藟絆縛昇下
山舉村來觀數少年攫取而去即煮食之後旬日
颶風夜作震撼天宇居者百餘家為風掀舉躋于
山巔旋落團頂畔少年食卵者撲死餘老弱千
計皆無所傷敗瓦朽木至今猶存

肉化變

萊州即墨縣王豐兄弟三人豐不信方位
肉化變所忌嘗於太歲上掘坑見一肉塊大如斗

肆好鷹

唐永徽中萊州人劉肆好鷹遂之
肆好鷹懸厓自縊以取鷹雛欲至巢而繩絕落於

左伯妙紙

左伯字子邑東萊人
所傷仍繫鷹而歸

青白菜石

萊州石色青黯透明
潤而無聲亦有白色石未出土最軟

青州瓦

土人取巧鑄成器甚輕妙見風即勁或
為鑑銚父堪烹飪有益於銅鐵

見然稍粗者損筆鋒石末本用雜州石前世已記
之故唐人惟稱雜州今二州所作皆佳
而青州尤擅名於天下矣

宋王俊民萊州人嘉祐六年狀元釋褐廷尉評簽
書徐州節度判官明年充南京考試官忽謂監試
官曰門外喧噪詎我視之無有也如是者三四少
時又曰有人持繳逮我乃取案上小刀自刺左右
救之不甚傷即歸醫治踰旬創愈但精神恍惚如
失心者家人聞嵩山道士梁宗朴善制鬼逆至乃
符召為厲者夢一女子至自言為王所害已訴于
天俾我取償道士知術無所施遂去旬餘王亦卒
人謂王未第時家有婢不順使令排墜井中又云
王向在里開與一倡妓私約俟登第娶焉既登第
就媾他族妓聞之忿恚自殺 夢妾告變齊琅琊王
故為女厲所困竟至天死 尚書左僕射嘗在齋內使愛妾治髻忽有烏獍黃
梅過庭而墜真猜妾有密期擲果為戲答殺之妾
解衣誓曰今日之死實為枉橫若有天道當令官
知後數見妾來詐然俄而出為雍州刺史性漸狂
異無故打殺少府長史劉興祖誣其欲反為御史
中丞孔稚珪所奏世祖遣中書舍人呂文顯直閣
將軍曹道剛等共領兵收與與子彪素稱凶剽及
女婿殷淑共勸與曰曹品今來不見真救恐為姦

戰虎敗而走宣帝長史裴叔業示於城內
斬之先數日與夢交來生口曰妾已得請君
不出旬日來矣至是果驗

山東通志卷之四十

通志卷之四十

九

序志傳

山東通志成寅濫竽纂修事廼述作者之意曰志亦史也所以彰往迹宣人文也文以飭物物以體道道以達治治以基化政之方也厥惟東藩文獻足徵久懼遺亡頗爲搜緝次其條目著爲典常是故揆物散殊覽古悠邈廼經形體使同貫利炳若指掌矣志圖考青兗州墟齊魯國削郡邑易置治亂相仍世變靡常矣次沿革山河兩戒氣候不齊象緯成列纏度可推變化以見矣次星野六郡引辨百邑申畫州涂里社樹墳封溝經略有則矣次

疆域海會嶽宗沂鎮濟瀆在地成形元氣磅礴奠
安東土矣次山川依形而立設險以守重關要津
崇墉巨浸地利足據矣次形勝土性以別習尚頓
殊道有升降變有難易觀民設教矣次風俗土俗
所宜生養滋息貢獻惟時質劑成市民利用溥矣
次物產教重民食歛從其貞疆予辟萊頒職作事
歲時有徵矣次田賦常產多賴生齒日繁稽其阜
耗計其丁庸邦本斯固矣次戶口民爲重社稷次
之爵土之錫藩屏之功古今勢殊咸有定制矣次
封建有諸侯則有方伯連帥以至於卿大夫里胥

上下相維體統不紊百工惟時矣次職官有文書

者必有武備繕其軍旅明其伍候用戒不虞矣次
兵防無備雖衆不可以恃裨隍增築雉堞相望外
侮斯禦矣次城池雖有金湯無粟不守堰埭蓄洩
轉輸通利國計永賴矣次漕河川澤之阻民方病
涉乘時結構以濟不通王政斯舉矣次橋梁政所
自出職思其居官府次舍去無去守規制有翼矣
次公署行政有本立教爲先魯作泮宮齊興稷下
庠序森列養士有豫矣次學校幼而學之壯而行
之命鄉論秀用賓王家爲國利器矣次科目爲國

以禮惟祀爲大禋宗徧神報功崇德咸秩無文矣
次祠祀祭以追遠葬以慎終辨其兆域護其封樹
衍澤無窮矣次陵墓生死志惑象教說行貝閣珠
林秘宇靈宅孰廬其居矣次寺觀爰媿居處約椽
攸芋書肯堂構易壯棟宇廢置可考矣次宮室事
久則堙道久則弊物換星移軌迹夷易觸目增感
矣次古蹟古維君德繼天而王乘運膺圖順紀作
則時乃功懋矣次帝王作之君師以爲民極鄒魯
教化紹往開來道在萬世矣次聖賢以道事人則
爲忠烈進退効能職任行術可以觀政矣次名宦

以道脩身則爲賢達允惟德業光啓後先可以論
世矣次人物賢達通務惟意所適安土而居鼓篋
而遊可以考迹矣次流寓異端小道雖若不正冥
心定性可以慎術矣次仙釋道惟大本力行爲艱
勵節厚倫可以敦俗矣次孝義閨門伊邇風教自
出關雎化始家人正內人道斯立矣次列女行以
道成言爲世法聖經賢傳諸子百家著述不同典
則攸存矣次藝文文舉其大不遺其細述情該理
陳賾闡幽體裁變易與世推移矣次遺文世變之
迹治忽之機氣有乖和德有感應監戒靡忒矣次

災祥道或弗經事或詭常通幽明之故盡古今之
變窮險易之節君子謂之博物故以雜志終焉
賜同進士出身高唐州添注判官前文林郎南京河
南道監察御史太倉張寅撰

序通志後

王應槐曰盛哉東志之成也蓋廢之百年舉之一
日學士大夫爭睹而競傳焉我少石陸公迺獨愀
然蹙然顧謂石亭陳公曰夫是志也兩臺主之六
郡采之羣力協之吾二人者實總其成於是有竊
負大懼者五是故紀事懼遺考古懼謬辯俗懼淆
綜言懼不文陳政懼弗軌遺則踈謬則舛淆則雜
不文則俚弗軌則悖吾爲是大懼且昔者司馬遷
氏登龍門探禹穴訪九疑涉沅湘歷天下之大觀
而後作史然猶不免寸割錯紉之譏志豈易修耶

應槐作而言曰有是哉有是哉夫二公者蓋嘗窺
圖秘於石渠効編摩于金匱權衡天下之是非矣
矧外史一方之述作有弗足信諸人人者乎且余
觀是志嚴而整辯而覈直而肆詳而不穢約而有
章數百年之文獻於斯備矣於是二公相顧哂曰
史亦志也志亦史也吾二人者其庶幾免於議乎
時有事纂局者前侍御仲明張君臨淄令王君一
槐萊蕪學劉君應祥曲阜學鈔君奇及應槐凡五
人無何王君以職守事半而去鈔君亦中輟劉君
復先應槐去其蒐緝刪訂以成作者之意張君之
力居多應槐樂觀其成謹識于後

東昌府高唐州學正古閩王應槐謹序

山東通志後序



